

桑
驗
會
方

清 · 梁文科輯

冬
桑
驗
會
方

中医古籍出版社

王者悦

主编

胡永盛王耀庭

审定

中医古籍

端木蕻良

傅景华徐岩春

编辑

端木蕻良

题签

中医古籍出版社

春湖医珍 八种

- | | |
|------------|----|
| 一、集验良方 | 六册 |
| 二、医林一致 | 五册 |
| 三、金匱要略广注 | 三册 |
| 四、医易经传会通 | 二册 |
| 五、古今医学捷要六书 | 六册 |
| 六、妇科冰鉴 | 四册 |
| 七、马氏庭训 | 六册 |
| 八、养生类要 | 二册 |

古雅出錄并



東 櫛 古 之 珍 本
竟 放 杏 林 奇 葩

原一祥



春湖春好足

佳承春好足
新之仲梁

百宮紙
任佳學



棟亭曹氏舊藏
集驗良方真本

周汝昌著



集驗良方曹寅所藏楷法
工整筒頁綉裝紅字專家
為其昭彰贊不絕口周君
汝昌端木先生加蓋圖書
影印面侍縹帙縑緗充實
宝库繼承發揚

耿登庭題

邓序

中华民族昌盛不衰，祖国医药学自有其历史功绩。自《内经》以降，医学典籍传流不息，其物质形态则顺着书籍制度的发展而变化，有简策、缣帛、卷子、经折、刻石、册页等多种形式。版本则有写本、雕板、活字之分。其内容则依据中国古代文化哲学的发展，学术思想的活跃及医疗实践经验的积累而不断增殖。经唐宋金元到明清，历代医家或撰、或编、或校、或注之医籍，则已汇成浩瀚。

几千年来，精英倍出，诸家典籍皆尊奉《内经》之旨、仲景之说，在继承的基础上，更有所阐扬发挥。各家论著，胜似群星璀璨，在祖国医药学的天空，光耀夺目。

然而，在历史的长河中，时间的波浪往往将过去存在的东西淹没，历代医家呕心沥血之作，今已不存者何止万千？即使尚有孤本存世，奉以稀世珍宝，严藏于密室之中，需用者难以觅见，与亡佚之物相差几何？

所以，能将独家所藏之珍本秘卷，整理刊印广为流布，实对祖国医学遗产的发掘，乃至对中医药学的发展，有莫大裨益。《春湖医珍》的编印出版，也正是为此！

望有更多的鲜世秘典，走出僻隅，广布杏林，重振国医！



邓明鲁谨志

丁卯年仲夏

自序

《春湖医珍》在各方鼎力协助下，已出版发行，余今如释重负，不胜欣慰。

前年初，余主编《吉林省中医古籍联合目录》之始，尚无印书之意，经整理、鉴定本馆及某些兄弟馆之秘阁珍藏，始知吾域虽远离江浙、天府、京师，地偏塞外边陲，仍据有外界鲜知之本，更不乏实用价值尤高者。于是萌生汇集丛书，广布天下之念。历时二载，总算如愿。今书成，搁置案头，虽略补缺帙，终不过是珍本中之沧海一粟耳！

当今国人，力倡振兴中医，欧美东亚亦群争研讨，中华祖先所创岐黄之术，定将增放现代之光。若古之星座，顿发新辉，必灿若河汉，造福环球！然继承、发展、创新，必基于发掘。望吾同道，不分岭南黑水，通力协作，排除艰难，潜心集擷，将更多的秘卷善册，奉献于世。振兴国医竭尽微力，乃吾辈之所愿也。

长春，素有春城之称，本馆地处风光绮丽，景色宜人
之南湖之滨，本书故以「春湖」冠之。

余编是书，曾获海内诸方学者聆教与鼓励，于此谨向周汝昌、端木蕻良、马继兴、耿鉴庭、任继学、崔建英、陈宏天、李致忠、王继祥等专家，以及为本书的出版颇费心力的中医古籍出版社傅景华社长，致以谢忱。



王者悦谨识

丁卯仲夏于长春南湖西畔



跋

祖国医学源远流长，岐黄之术繁衍于中华，直至现代医学迅速发展之今天，仍能历经漫长岁月而不衰，继续发挥其独特作用。今后，有继承、挖掘、整理、提高之宗旨，有现代多学科之协力，中国医药学必将对人类作出更大贡献。

中医古籍，浩如烟海，学术湛深。各家学派，著述蜂起，灿然可观，奇葩异蕊，竞相开放。当今，继承、整理、发扬中医之学术，必精研各家，纠以管窥天之偏，杜宗派门户之见，方能学贯古今，艺擅众妙，使岐黄之术得以弘扬。

然年代久远，遗失甚多，诸多医籍，读者难以得到。其中珍善之本，更是多藏禁地，远未发挥其应有作用。者悦诸君遍查馆藏图书，觅得珍本数卷，不忍束之高阁，集成《春湖医珍》，将其付梓成册，公诸于世，使之流传四海。其精神可钦可佩，尤可见中医发展之希望。此举非惟秘典得以流

传，亦为后学之津梁也，实乃振兴国医之一大功绩。

丛书付印，先睹为快，爱不释手。其中有未曾付梓而又极有价值之精钞本；或虽曾流传，但未经整理或难以见到之稀世珍本。其内容丰富，既有经典之注释，又有济世之良方；既有治疗之要旨，又有养生之秘诀；既有医理之阐发，又有经验之总结，堪称汇粹之集。通读全书，受益匪浅。者悦君邀我写「跋」，遂欣然命笔，以示称颂。



夏洪生 谨识

丁卯仲夏于长春

据长春中医学院
图书馆藏康熙
四十九年钞本原
书影印

内容提要

《集验良方》，清梁文科辑，成书于康熙四十九年（公元一七一〇年）。文科（瀛候），康雍间官吏。自序云：「余素不习医，性好岐黄家言，数十年来，偶有闻见良方，即留心购求，录之於帙，照方制药。遇有病者，以药疗之，终岁习以为常」。

本书收方千余，首为「养生篇」，后分急治、中风、伤寒、瘟疫、血症、虫积、暑症、火症、黄胆、疟疾、头、面、妇人、小儿、疮毒、痔漏等四十九门。涉面较广，且多有效验。张圣弼为之序云：「先生自青年得第，宦蹟遍寰中，每遇异人术士或岐黄家，目睹其奇效异验之方，即录之篋中，迄今充尺盈把，殆无一症之不备，一方之不奇……按方救治，立应如响」。此外，伤寒、瘟疫、补益、脾胃、暑症、痢泻诸门，还附以医论。

本书据张、梁二序所记，康熙间当有刊本传世，但未见。雍正二年（公元一七二四年）广宁年希尧曾刊有《经验四种》本。另有乾隆五年（公元一

七四〇年）刊本及乾隆十四年（公元一七四九年）黄晓峰重刊《经验四种》本。

本馆所藏为康熙四十九年钞本。六卷。首卷《养生篇》篇端下方钤有「棟亭曹氏藏书」印章。「棟亭」为曹雪芹祖父曹寅的号（一作字）。寅乃康熙间官吏、文学家、藏书家。本书经余鉴定，并经国内诸方专家验证，确为曹寅家藏医书，乃世所珍奇之本。今将此书影印发行，传流四海，以飨读者。



文行（篇刻），曹寅回官吏，自明云：「余素喜王者悦识」

《集驗良方》、《醫藥文粹》、《血汗干劑》四十一九八六年六月〇

內 容 裝 璜

濟人利物之心士君子不可以日不存濟人利物之事士君子不可一日不行也然安得日行之惟存其心不拘其事則無在不可以推仁人之量有如醫之道事之小焉者而其功侔良相蓋凡寸長尺効皆仁愛之所推固不可以其小而忽之吾友梁瀛侯先生以仁存心者也通籍三十年政治所及莫不蒸蒸日上變俗利及久遠世以文翁化蜀為比然事功德澤入之民心流之異代詩歌史版將為頽禿奚待更為揄揚唯方書一事先生亦留心三十年矣是三十年來先生之活人又不知凡幾矣先生自青年得第宦蹟遍寰中每遇異人術士或岐黃家目睹其竒効異驗之方即錄之篋中迄今充尺盈把殆無一症之不備一方之不竒實利濟之金符鴻寶所當亟請公之於世先生初曰唯唯慎重持久屢強後可弼等捐貲付剞劂行見此

書一出俾遐荒曩裸之流亦知溫涼虛寔之所宜按方救治立應如響其
書一日不朽先生濟人利物之功一日不竭仁人之推寧有涯量豈得謂事
之小者而忽之哉時康熙庚寅八月六日寅弟張聖弼書於黔陽寓齋

平... 建文... 不... 以其... 之... 以... 齊...

序

治病不可不知脈理此固人所共曉然脈藏於內而症現於外脈不易知而症易知故審症尤重於審脈也凡人內有一病外必現一症間有脈症不符者不過百中之一二耳余素不習醫性好歧黃家言數十年來偶有聞見良方即留心購求錄之於帙照方製藥遇有病者以藥療之終歲習以為常今來黔中知醫者少民間疾病惟事禱祀間有用藥者而醫家率多不諳反致變輕為重致戕人命深為可憫因將向來所集良方付諸剞劂以廣其傳庶使窮鄉僻壤不能延醫之處及偏州小邑無有良醫之地偶有一病對方檢查依其所患之症療之得是書即如得一醫天札之患可以鮮矣

康熙四十九年仲秋壽春梁文科瀛侯氏書於古播州之二至堂

集驗良方目次

首卷

養生

預防中風

二卷

感冒 缺

陽痿

怔忡

藥酒

三卷

急治

傷寒 附 中寒

瘟疫 附 瘴氣

遺精

消渴

血症

中風

補益

腰疼

盜汗

脾胃

暑症

大小便

噎膈蓄胃

四卷

水腫膨脹

疝氣

眼

牙齒

舌

痞積

火症

痰嗽

黃疸

頭

耳

鼻

鬚髮

虫積

痢瀉

心腹疼痛

瘧疾

面

咽喉

口

五卷

婦人

頑瘡

六卷

瘡毒

癩瘰

小兒附痘疹

疔瘡

癬疥汗斑

附痱子

腿足瘡

痔漏

筋骨疼痛

養生篇

黃帝問岐伯曰余聞上古之人春秋皆度百歲而動作不衰今人年未半百而動作皆衰者時勢異耶人將失之耶岐伯對曰上古之人知道者法於陰陽和於術數飲食有節起居有常不妄作勞故能形與神俱而終其天年度百歲乃去今時之人不然以酒為漿以妄為常醉以入房慾竭其精以耗散其真不知持滿不時御神務快其心逆於生樂起居無節故半百而衰也觀此則壽命修短全係精氣神之盈虧精血一敗神氣無所倚附欲長壽而享諸福難矣達者當知精髓有限生之甚難耗之甚易如油盡燈滅若縱慾散精假力藥餌棄真取偽棄內取外不亦愚乎請以貪儉二字醒之貪不久之名利而不貪長久之福壽儉易得之財物而不儉難得之精神况滋

味煎其臟腑醞醪煮其腸胃馨香腐其骨髓喜怒悖其正氣思慮消其精神哀樂殃其平粹夫以叢爾之軀攻之者非一途以易竭之身而內外受敵身非木石何能久乎伐天和以成就世事譬如割肉飭俎刺血染裳而究竟成就亦歸虛幻徒自伐其天和而已語有云寧可踈慵乖物議莫將性命當人情

養生以養心為主故心不病則神不病神不病則人不病

養生之法須要擺脫一切毋以妄想成其心毋以客氣傷元氣

每日胸中一團太和元氣病從何生

養心又在凝神神凝則氣聚氣聚則形全若日逐勞攘憂煩神不守舍則易於衰老

收視返聽凝神於太虛無一毫雜想少焉神入氣中氣與神合則真
息自定神明自來不過片餉間耳

人生以心為根以腎為蒂天地相去八萬四千里人之心腎相去八寸四
分中有一脉以通元息之浮沉息總百脉一呼則百脉皆開一吸則百
脉皆闔天地化工流行亦不出呼吸二字人之呼吸常在於人身正中
處則血氣自固元氣自壯七情不熾百病不治自消矣

酒之一物爛腸腐胃暗傷元氣更須節飲凡飲酒之人年至五旬
便百病來侵

今人以人參為上品無論有病無病以服人參為良法殊不知人參乃
補氣生血助精養神之藥也如驚悸怔忡健忘恍惚心志懶怯可用

也如元神不足虛羸乏力中氣衰陷可用也如汗下多過津液失守病劇張皇不能假寐脾胃衰薄飲食減少可用也如小兒痘瘡灰白倒陷可用也如小兒脾虛發熱條好條熱可用也如婦人胎前扶助真氣可用也如血虛風眩眼黑頭暈卒倒者可用也如腎虛氣短喘促者可用也如勞役饑飽所傷內傷中氣不足陷入陰分發熱倦怠四肢無力嘔吐瀉泄飲食無味真陽衰乏腎氣虧損陽道不舉下利清水完穀不化皆可用也惟不利於肺家有熱如久病鬱熱在內宜發不宜補不可用也如諸般痛症邪氣方銳宜散不宜補不可用也如痰實氣壅發喘不可用也如咳嗽吐痰吐血衄血齒衄內熱骨蒸勞瘵陰虛火動之症不可用也如沙疹初發傷寒始作形症未明而邪熱方熾

若誤投之鮮有不死不可用也如痢疾初起瘧疾始作無論老少誤用人參便致不救不可用也如婦人產後十五日以前誤用人參性命不保不可用也如瘡毒初起毒火壅勝不可用也如初得中風痰涎壅盛不可用也常見庸醫不辨虛實寒熱動輒輕用人參斃人性命故特表而明之以救人之誤用人參致於死者

病有四百四種惟以宿食為根本又云百病從口而入誠以飲食固養身之資而亦傷身之物也脾胃乃後天之本脾胃得其養氣血日生則諸病不起即有病亦輕而易療如脾胃傷損則氣血受傷諸病叢生凡風寒暑濕一有所感便成大病但脾胃喜清虛恬淡不食冷物不食難化之物俾其內無積滯真氣常舒方得其養若任意恣食甘脆肥濃燒烤煎炒之物

或食生冷難化之物日積月久脾胃受傷後天之根本一損則在外之諸症蜂起損之輕而淺者猶可治療若損之重而深者雖有盧扁莫如之何故人之養生當以節簡飲食調理脾胃為第一義

婦人以血為主常有血虛發熱之病俗醫不知每見婦人發熱口渴便用發散之藥一劑不効不知另作斟酌仍連用發散之藥以致陰血愈涸漸成經閉之症及見經閉又用通經峻利之藥元氣愈傷往往致死者不少古人以小兒為啞科最難醫治不知小兒止有內傷外感驚風痘疹數症並無奇異別病但小兒氣血未充易虛易寔一切諸病由於過飽者多過饑者少由於過煖者多由於過寒者少一見身熱痰喘效嗽當用疎解之藥而不可過於發散若真知有內傷乳食之症當用消導之藥而不可

過於峻利一面治病一面照管元氣不可傷損俟病勢一退便宜補助
真氣不可仍用發散消導之藥若止發散消導而不補助其元氣
則數日熱退數日又熱變成慢驚者不少矣

...

...

...

...

...

...

...

...

...

...

...

急治門

紫金錠

此藥專治暴中暑氣風邪昏暈欲倒霍亂吐瀉攪腸沙烏沙

脹心疼腹痛諸般危症並治一切山嵐瘴氣水土不服解諸毒療諸

瘡利關竅通治百病奇効不可盡述居家出門不可少之聖藥也

山茨菇

焙二兩

五倍子

去虫焙二兩

續隨子仁

去壳去油一兩

紅芽大戟

去骨焙一兩五錢

硃砂

三錢水飛

雄黃

三錢水飛

麝香

三錢

共為細末五月五日午時或天德月德日修製和在一處糯米飯調和木臼中搗千下光潤為度每錠重一錢輕病服一錠重病服二錠

照引服

許真君七寶如意丹

治一切雜病出門遠行必需之藥也治瘧疾心

痛如神

川烏 麵煨去皮尖

川黃連

人參

乾薑 煨

白茯苓

桔梗

厚朴 去皮姜汁炒

肉桂

石菖蒲

川椒 去子炒出汗

吳萸 鹽湯泡一宿去核

柴胡

紫菀

猪牙皂莢 去皮去當歸酒洗淨

木香

大附子

一個去皮臍童使泡

巴豆霜 去壳用紙壓淨油

右十八味各一兩外加楨榔一兩五月五日戌每月上吉日雞犬不

聞處依法炮製共為細末麵糊為丸如梧桐子上好辰砂為衣晒乾

收貯遇病照引用藥

瘟疫熱病 三九五九

井水下

十種水氣 五九 茯苓湯下

陰症傷寒 九九

姜汁下

顛狂 五九九九

俱用黑枣湯下

鬼崇邪氣七九 鼠瘻不服水土三九黑 誤吞毒藥九九

消渴泄瀉三九 諸痢大小便閉七九 酒毒便紅三九 俱用溫酒下五九

赤痢五九 黃連湯下 白痢五九 甘草湯下 五瘧五九 桃枝湯下七九

反胃膈食五九 葷撥茄湯下 腸中氣塊痛五九 煨姜下七九

痞疾五九 蓬朮姜湯下 腰背痛三九 鹽湯下虫脹五九 甘草湯下七九

黃疸五九 茵陳湯下 五淋五九 燈草湯下 虫積五九 史君子湯下三九

腸風臟毒三九 陳米湯下 疝氣腫痛三九 茴香湯下 諸痔三九 淡礬下湯

陰陽二毒傷寒傷風三九 薄荷湯下五九

大麻瘋左癱右瘓偏正頭風五九 荊芥湯下七九

鶴膝白紫癩瘋痲風癬三九 荊芥湯下五九

喉閉腮腫丹瘤癰疽疔瘡五九七九 溫酒下

腸氣食積心腹膨脹心氣疼痛五九七九 生姜湯下

氣喘咳嗽三九五九 生姜湯下

腹中成塊疼痛不止五九七九 皂莢湯下

萬應丹

治一切四時傷寒瘟疫中暑風痰頭疼身熱吐瀉痢瘧心腹疼痛者二九輕者一九冷水下

京牛黃三錢 輕粉一錢 血竭一錢五分 巴豆霜去皮油三錢

兎茶五分 雄黃一錢 丁香五分 沉香五分

木香七分 鴉片六分 冰片三分 牙皂八分
黃色

硃砂水飛為衣

共為末煮枣肉為丸棗豆大磁瓶收貯

治陰症欲死立效方

明礬

一錢五分

火硝 一錢

胡椒 一錢

黃丹 八分

共為細末用釀醋和成團子握在手心男左女右以帛扎緊出汗而愈再用理中湯收功 又方用老葱一握如茶鍾口大切一指厚貼在臍上用熱熨斗熨之

治中暑昏眩煩悶欲死方挖地深三尺取新汲水傾入坑內攪濁飲數甌即愈

治中暑仆地方 大蒜一大把道上熱黃土攪和研爛以新汲水和之去渣挖開齒嚙之

盛夏時有大熱症頭大如斗身熱如火者用黃芩一兩煎汁一茶鍾微
溫一氣吃下立愈

又方治熱死不可用冷水澆及飲冷水用草繩盤在臍上以路上熱黃
土填放在內令衆人以小便澆之用熱湯亦可

治乾霍亂腹痛出汗吐瀉不出危在頃刻

食鹽

一兩

生薑

五錢

切片同炒色變以水一碗煎服不宜熱服好後

不可吃飲食

又方炒紅鹽一兩猪牙皂莢一錢煎水服吐出即效

治絞腸沙方 用明礬三四錢滾水調勻溫服即效

又方先將兩臂抹下其惡血聚指頭上以針刺其十指甲下一分半處

出血即安

代赭石散治一切嘔吐不止 用旋覆花不拘多少入代赭石細末一

錢調服即嘔止

治自縊死方 輕、解下不可割斷繩索不可放倒安放平坦仰面朝

天頭要扶正將手足慢慢屈灣將糞門用力頂住不令洩氣一人用手揪着頭髮將頭扯直再三人將箆筒入耳內不住口吹氣不住手按摩胸前雖氣絕時久多吹多摩亦可救活

又方用老鵝一隻將香油抹鵝嘴上挿入糞門內一二時自活若過十三時辰則不救矣

治凍死及落水凍死者但胸前有微熱即可救活急須脫去濕衣換好

人貼身熱衣包之不可令其近火須用布袋盛炒熱灰放在心口如冷即換熱者待開眼以溫酒姜湯灌之

治溺水死用牛一頭或鉄鍋一口將患者橫卧於上口中放筋一根使水可出再以老生姜揷牙齒即活

治人卒然仆地不語及一切痰涎壅塞手足搐扯不省人事等症用皂莢末少許吹入鼻內即醒再以藥治之

治暴死方 燒炭一爐以陳醋潑之令病人鼻中聞之即活或韭汁灌鼻亦好

治五絕死方 用生半夏少許吹入鼻中再用生半夏末少許吹入耳內心頭溫者一日猶可治

治驚嚇死 以醇酒灌之

治中煤毒昏暈惡心跌倒急移在風涼處用鹹菜水灌之即愈清水亦可

治瘋狗咬傷 用槐樹白皮一塊安傷處再以白麩作圍圍之內以人

糞填滿蓋槐皮一塊用大艾灸十四五壯候熱透身上出汗即愈

治狗咬方 用白蚯蚓泥和水研敷

治破傷風及瘋狗咬方 用防風獨莖者一兩大南星泡七次晒乾

兩共為末每服二錢白湯下半日再進一服出汗即愈

又方用斑毛七個去頭足同糯米炒黃色去米不用只用斑毛研末加

黃丹一錢黃酒送下毒從小便中出百日内忌聞鑼鼓聲

治破傷風方 用糞堆內蟻螬虫一二個草房上多有之將虫脊背捉住捏之口吐黃水抹于瘡上覺麻身上汗出即愈如病勢危急滴黃水於熱酒內飲之取汗而愈

解百毒方

粉甘草

生用
二兩

菘豆一升水煎服即愈

治箭鏃木竹器傷方

用陳臙肉去皮取紅活美好者連肥細切將象牙末及人爪甲為末共研極細拌臙肉內再為勻剝合一處厚敷四旁一飯頃其鏃自出又方用艾綿攤成餅子將火硝細末鋪上再用大蠐螬搗成末鋪火硝上包在傷處一日一夜即出

解中諸毒方 但覺腹中不快即以生黃豆試之入口不聞腥氣此真

中毒也急以升麻煎汁連連飲之以手探吐自愈

解食銀鋪毒方 用黃泥水服二茶鍾即愈

又方每日用飴糖四兩熬成小丸不時以真芝麻油吞下

解斷腸草毒方 用抱窩雞子二三枚調麻油灌下或用大糞汁灌下

即可解或用韭菜汁灌下亦可

解砒霜毒方 用甘草湯菜豆湯夏枯草汁或雞子五六枚打碎和勻

灌下總以吐盡毒為度醒後仍顛者以菜豆湯飲之毒盡自愈

又方 用白礬三錢新汲水化下吐出即愈或以白蠟三錢研末調雞

子清三枚入口即愈

解人信毒方 用藜蘆根青黛皂莢膽礬苦瓜蒂滑石生甘草生棗豆

各等分搗末凉水調灌

解巴豆毒方

凡中此毒口渴面赤五心煩熱泄痢不止黃連煎湯服

解蒙汗毒方

飲冷水即安

解鹽滷毒方

豆腐漿灌下抹棹布水或肥皂水皆能令吐切不可用

熱水

又方 先用活羊血灌下再用肥皂莢煎湯灌下吐出即愈

解燒酒毒方

用鍋蓋上氣流水半盞灌下即愈

解河魴魚毒方

用橄欖汁蘆根汁糞水皆効或白茅根搗汁冷飲亦愈

解中魚毒方

用冬瓜搗汁飲之 橄欖搗汁亦佳

解雙毒方 用紫蘇汁可解

解食鱉毒方 用鹽汁散青水俱可

解中蠱毒預防蠱毒方 炙甘草一寸嚼汁嚥之然後飲食若中蠱即吐出以炙甘草三兩薑四兩水六碗煎二碗日三服

治金蚕蠱方 用石榴根皮煎湯飲

治毒蛇咬方

細辛 雄黃各五分 麝少許為末每服二錢好酒調服

治蛇毒方 五靈脂 雄黃各等分 黄酒調二錢服下

治蜈蚣咬方 鹽湯洗傷處痛止用劉寄奴擦之或吳茱萸搗爛敷之或井底泥貼之或雄雞糞搗水塗之或用蜘蛛一枚近咬處吮盡其

毒則蜘蛛墜下痛即止取蜘蛛投水中少頃亦活

蝎蜇毒方 用井底泥敷痛處乾則再換如無泥取新汲水以青布隨痛處搭之溫則再易

又方 用膽礬細末搗患處

中蚯蚓毒形如大麻風鬚眉皆落用石灰泡熱水候涼洗患處浸之良久愈蜘蛛及百虫咬俱以靛青葉搗汁敷之靛青花亦妙芋藤汁塗之即消

百虫入耳不可驚動如在左耳以手緊閉右耳及兩鼻孔努氣在左耳虫自出右耳亦然

解中藥箭毒方

用雄黃末敷之沸汁出愈

中諸鬼祟及被鬼附昏迷笑哭急將兩手大指縛作一排用艾丸在中指爪甲盡頭連肉處灸七壯或十四壯鬼即去若鬼去而人尚昏沉者用麻黃三兩去節杏仁七十粒去皮炙甘草一兩水二碗煎至一碗灌之愈後仍宜服參耆補正之藥

鬼壓鬼打之症初倒客舍及無人冷房睡中覺鬼物壓打其人呢呢作聲呼之不醒不救則死用牛黃雄黃各一錢硃砂三分研末和勻挑一錢牀下燒之一錢溫酒灌之

壓死并中惡切忌火照但痛咬其脚根則應聲不同卧者於自己牀內大呼其姓名亦醒如再不醒以皂莢末吹入鼻中打嚏則醒矣

慣多魔夢以通明大硃砂縫囊盛置頂上即無夢矣兼服天王補心丹

臥忽不醒亦忌火照但痛咬脚大拇指甲際而唾其面則醒如仍不醒以韭菜汁灌入鼻中即醒

人咬用溏雞屎塗咬處立刻止痛不作膿

又方用生栗子嚼爛敷之

解葷毒麩菇毒諸草藥毒及閉口椒毒用金銀花咬之即愈

又方掘黃土地深三尺注水攪渾飲之即效

治湯泡火燒方

切不可輕用冷水澆洗如一時藥不便先飲童便一碗或生蘿蔔汁一碗再將生大黃細末或香油或生桐油調敷如爛至肌肉者用山野人家百草霜三錢輕粉一錢五分研末調香油敷之

又方 用大麥入淨砂鍋內炒至漆黑為度取出紙墊土上出火氣研末爛者乾搗未破者以香油或桐油調擦即愈

又方 用水中大蚌四五枚置磁器中少頃口開預置冰片二三分磨香二三分研末以二三分入蚌口內化為水用雞翎四面掃之再將蚌壳燒灰研末入冰麝少許敷之

治瘡疾方 生半夏 生川貝母各等分研為細末每用一錢生薑汁

調下 此藥於端午日製為佳

治湯泡方 用煮熟雞蛋黃炒出油一鍾調生大黃末一兩搗之

救自刎斷喉方

自刎者乃迅速之証須救在早遲則額冷氣絕必難救矣初刎時氣

未絕身未冷急用熟雞皮貼患處安穩枕卧或用絲線縫合刀口搽
上桃花散多搽為要急以綿紙四五層蓋刀口上以女人舊布裹脚
周圍纏遶五六轉扎之頸項鬱而不直刀口不開三日後急於解去
前藥再用桃花散搽刀口仍急纏扎過數日再用紅玉膏敷患處外
用生肌長肉大膏藥貼之外用絹帛圍裹針線縫口候其肉長收功
桃花散石灰半升同大黃一兩五錢切片炒石灰變紅色為度去大
黃篩極細末治一切金瘡出血不止并效

治金刃傷血流不止

用好雞骨炭擲地有聲者不拘多少與好松香各等分搗成一塊用
老薑菜汁拌入陰乾如此搗拌三四次後為細末收貯每遇金瘡敷

之立愈切不可飲冷水及稀粥只食乾飯

金刀散 治癰疽發背諸般潰爛棒毒金瘡等症脫腐生新外科收斂之神藥也

煉過松栢香淨末七兩

枯白礬

一兩五錢

生白礬

一兩五錢

共為極細末磁罐收貯摻傷處立愈

花蓋石散 治金瘡血不止

硫黃

四兩為末

花蓋石

一兩為末

右二味和勻先用紙筋鹽泥固濟瓦罐子一

個候泥乾入藥於內再用泥封口候乾安在四方磚石上書八卦五

行字用炭一秤籠疊周匝自己至午從下着火漸至上徹直至經宿

火冷炭消冷定多時取出研細末收貯

治金刀傷血流不止 千年石灰或生半夏研末敷上即止疼且易收
治打撲損傷血流不止用葱白搗爛敷上即收口而愈敷之三四次為
佳

中風門

開關散

此藥治中風厥倒牙關緊閉不省人事先用此藥開關

猪牙皂莢

去皮弦二兩用生白礬一兩入水中煮化取出晒乾為末

北細辛五錢去葉上

二味共為細末用少許吹鼻中即醒又用針刺十個指甲離指甲

一莖菜葉許出血為妙

稀涎方

此藥專治痰涎壅盛用此先吐其痰然後用藥

猪牙皂莢

四條去黑皮炙黃

白礬一兩

共為細末溫酒調三錢徐徐灌下

牛黃清心丸

此藥專治中風痰厥昏暈不醒口噤痰喘及小兒驚

風發搐五癇等症極效

膽星

二兩姜汁炒

白附子

一兩煨

欒藷金

五錢

川烏

二兩麩包煨

半夏

一兩皮硝湯泡五次皂莢湯泡五次礬湯泡五次晒乾為末

右五味共為細末用臈月黃牛膽三個取汁和藥仍入胆內扎口挂風磨
下至次年取胆內藥一兩四錢加度過芒硝水飛辰砂礪砂各一錢冰
片磨各一分研極細末和在一處稀糊為丸茨實大金箔為衣姜湯下
追風祛痰丸 治諸般風痲顛風世人患此病者甚多用此藥甚效

白附子麩包

防風

天麻

姜蚕

牙皂俱炒燥
各一兩

全蝎炒

木香各五錢

枯白礬三錢

南星三兩白礬牙皂
煎湯浸一宿

川黃連三錢

人參

白朮炒各
一兩

半夏牙皂生姜各二兩搗
碎泡湯浸三日六兩

共研為末姜汁和飴糖為丸桐子大每服七八十九姜湯下

侯氏黑散 治中風四肢煩重心中惡寒不足者此治中風之第一方也

菊花四兩

白朮炒一兩

細辛三錢

白茯苓三錢

牡蠣煨三錢

生黃芩三錢 防風一兩 人參三錢 礬石三錢 桔梗三錢

當歸

乾姜

川芎

桂枝各三錢

右十四味杵為末酒服方寸七日三服初服二十日用酒調服禁一切
肥肉大蒜常宜冷食六十日止即藥積在腹中不下也熟食即下矣
桂枝湯 治風從外來入客於絡留而不去此一方為中風一証羣方
之祖諸藥中皆宜以此方加入

桂枝

白芍

酒炒

生甘草

生姜

各三錢

大棗五枚

右用水煎溫服須臾再食熱稀粥以助藥力

蘇合香丸

此藥專治男婦中風中氣口眼歪斜不省人事或卒暴心

疼鬼魅惡氣小兒驚癇大人狐狸等症

沉香 木香 丁香 白檀 安息香酒煮膏 麝

香附米 白朮土炒 訶子肉 葶撥 硃砂 犀角

乳香去油 沒藥 蘇合油 片腦各五錢

共為細末入腦麝安息香蘇合油同拌勻蜜丸重一錢黃臘包皮

大神效活絡丹 此藥專治風濕諸痺口眼歪斜半身不遂行步艱難

筋骨拘攣手足疼痛此藥宣暢血氣通利經絡

白花蛇酒浸焙 烏梢蛇酒浸焙 麻黃去節 防風 炙草

官桂 草薳 羌活 元參 天麻

藿香 何首烏 白芷 川連 黃耆

熟地 大黃以上各二兩 細辛 赤芍 硃砂

沒藥 去油

姜蚕

天竺

龜板

乳香 去油

丁香

虎脰骨 炙

天台烏

青皮

黑附子 炙去皮

香附子

白蔻仁 炒

骨碎補 去毛

白茯苓

白朮 土炒

當歸

沉香 以上各一兩

全蠟 去毒二兩五錢

葛根

威靈仙 各二兩五錢酒浸

血竭 七錢五分

犀角 七錢五分

地龍 去土五錢

麝 五錢

松香 五錢製

兩頭尖 二兩

川芎 二兩

牛黃 二錢五分

片腦 二錢五分

金箔 為衣

共為細末蜜丸重一錢蠟皮包温酒下隨病上下食前後服

史國公藥酒 此藥專治左癱右瘓口眼歪斜四肢麻痺筋骨疼痛又

治三十六種風二十四種氣無不立愈

防風 一兩 秦艽 四兩 萆薢 二兩 羌活 二兩 牛膝 二兩 虎脰骨 炙二兩

鱉甲 一兩 當歸 三兩 晚蚕沙 炒二兩 蒼兕子 四兩 甘枸杞 五兩 茄根 八兩

白木 二兩 杜仲 三兩 姜炒 一方加白花蛇 四兩

右用燒酒二十觔糯米酒十五觔生絹盛藥放罈內煮三柱香隨量飲

治風軟脚用丹參浸酒飲之最良

治癩奇方 紫河車 一具米泔水洗淨 人參 五錢 當歸 五錢

將河車蒸熟搗爛將人參當歸為末同搗勻為丸桐子大每服三五十九日進三服人乳下間服八珍湯無不愈者

仙傳黑虎丹 此藥專男婦氣血衰敗筋骨寒冷外感風濕傳於經絡

手足麻木筋骨疼痛久則成左癱右瘓口眼歪斜中風不能步履

蒼木 切片 草烏 洗切片 醋煮 生姜 洗各四兩 生蔥 連鬚研 二兩

右四味和一處拌勻醃之春五夏三秋七冬十日每日拌一次候數足
晒乾入後藥

五靈脂

乳香 去油

沒藥

去油各一錢
二分半

川山甲 炮五錢

自然銅

火煨淬七次
二錢五分

右同前藥為末好醋糊為丸桐子大每服三十九

空心熱酒送下

婦人血海虛冷肚腸疼痛臨卧醋湯下止服二三

十丸不可多服服後不可冷水孕婦不宜服

治女人雞爪風十指搐搦服黑虎丹立愈 又方左右膝骨兩旁各有

一小窩共四穴灸三壯即愈

治口眼歪斜方 菴蕪草不拘多少煎湯露過入茅糖三兩空心頓服即愈

治血厥無疾忽死目閉口噤眩暈移時方醒亦名鬱冒出汗過多女人

尤多此症用白薇當歸各一兩人參五錢甘草一錢五分每服五錢水

三盞煎一盞溫服

鶴膝瘋 番木別 四兩酒泡蒸去皮用麻油四五兩熬枯浮起為度
再用陳壁上炒乾研細止用二兩

大西附子 二兩重者童便煮過去皮
臍切片焙乾研細一兩

大楓子肉二兩燈草同水煮過研細去油止用一兩 川山甲 洗淨土炒研細一兩

以上四味共五兩和勻收貯患者每服七分空心酒下極醉出微汗七服除根

治大風惡疾隻目昏暗鼻梁倒塌肌肉潰爛

用皂莢刺三觔炭火蒸一日晒乾為末濃煎生大黃湯下二錢

秘傳藥酒方 治男婦風濕疼痛手足麻木將成癱瘓之症

白芷 桔梗 白芍 川芎 麻黃 白茯苓

製半夏
肉桂
甘草各一兩
陳皮
厚朴炒
枳壳炒

當歸
木瓜
檳榔各一兩五錢
蒼朮炒四兩
牛膝二兩
杜仲酒炒二兩

烏藥二兩
防己一兩
獨活一兩五錢
火酒五十觔罈內煮過

治鵝掌風
用活蟹煮湯洗數次即愈

治大麻風

用明淨松香不拘多少化去渣取河水用淨鍋將松香煮化不住手攪視水色如米泔嘗味極苦者即傾入冷水內將松香乘熱扯拔冷定堅硬另換清水再煮再拔如前法製不論數十次只以松香體鬆潔白如玉所煮之水不苦為度陰乾為末重羅極細聽用每料二觔每日將白粥量投藥末和勻食之不可多嚼日進數次不可更吃乾

飯只以菜乾笋乾少許過口一切油鹽醬醃醋暈醒酒果糖麩等類
概行禁忌渴時止飲白滾水每日約服數錢以漸而進不可太驟服
後大便下毒物服盡一料自愈用煉蜜丸亦可

治中風不省人事得病之日便進此藥免成廢人用栢葉一握葱白一
握連根細研如泥無灰酒一大鍾煎一二十沸去渣溫服如不飲酒
分作四五次服

治卒中風效方

用藿香正氣散加桂枝二錢羌活一錢五分防風一錢水煎服

治中風中痰中暑中氣乾霍亂

生姜自然汁一鍾童便一鍾和勻灌下

治癱瘓秘方

熟牛骨髓一碗熟白蜜一觔半濾過加炒白麩一觔炒黑乾姜末三兩四味和勻如彈子大每日三四丸細嚼黃酒下大效

治痛風止疼方

飛羅麩一兩姜葱汁各五錢牛皮膠三錢共容和成膏貼患處止疼

治筋骨疼痛如夾板壯不可忍者

騾子修下蹄爪甲燒灰存性研末或黃酒或湯調服立愈

治白癩風

白蒺藜子六兩生搗為末每服二錢白湯下每日二服一月絕根

又方福散小便調勻以新青布蘸藥搽之 又方白附子硫黃等分

為細末用帶皮生姜自然汁調勻以茄蒂蘸藥搽之又方羊蹄根
去心和肥皂搗爛丸如彈子大一丸布包搽一丸洗浴三四次可愈
茯苓丸治手戰臂痛

製半夏而二白茯苓而一枳殼五錢風化朴硝三錢

共為細末生姜汁打麩糊為丸桐子大每服百丸

治羊顛風用肥皂子去黑皮取仁焙熟研末每服五分空心白湯下不
可間斷

治男女失心瘋方

白礬三錢川鬱金七錢

共為末丸桐子大每服二三錢白滾湯下

預防中風門

凡人兩臂麻木或無名指頭麻木兩眉稜骨疼三年之內必有大風之至宜預防之

搜風順氣丸 此藥專治上實下虛腰脚疼痛肢體麻木大便燥結小

便赤澁腸風痔漏言語蹇澁手足不仁服之可以預防中風

熟大黃五兩 酒蒸 郁李仁二兩 去皮 枳壳二兩 炒 火麻仁二兩 去壳炒 山藥二兩 炒

獨活一兩 五錢 檳榔二兩 山萸肉去核酒蒸二兩 兔絲子二兩 酒煮 牛膝二兩 酒洗 車前子二兩 五錢 炒

共為細末煉蜜丸桐子大茶酒任下二三錢

藜蘆丸 驅風去濕通利經絡健脾胃壯筋骨久服之可免中風之病

藜蘆草一味紅梗者為佳採葉去枝梗用酒拌蜂蜜調勻柳木甑上

蒸三炷香取出晾一日再用蜂蜜酒拌勻照前蒸九次晒乾為末煉蜜丸桐子大每服三錢功效甚大

蕪荑草膏 治三十六種瘋症七十二般疾疾久之服之和血脉壯筋骨進飲食行步如飛延齡却病最為神效用紅梗蕪荑草止用嫩葉去粗梗不用用水洗淨揀取四五十觔用大鐵鍋盛水熬汁用絹濾取淨汁再用白蜂蜜三四觔白酒釀五觔熬成膏如漆黑磁瓶收貯白湯調服二三茶匙

晚服竹瀝枳朮丸 此藥專治痰火清氣除濕祛眩暈療麻木開鬱平

常可服以防中風

白朮 去梗土炒 蒼朮 鹽水炒 枳實 兩炒 製半夏 姜汁泡炒一兩 陳皮 兩 白茯苓 一兩

川連 姜汁炒 一兩

製南星 姜汁泡 炒一兩

條芩 酒炒 一兩

當歸 酒洗 一兩

山查 一兩

白芥子 炒 一兩

白芍 酒炒 一兩

人參 五錢

木香 二錢

共為細末用神曲六兩姜汁一盞竹瀝一碗煮糊為丸桐子大每服

百九姜湯下

竹瀝化痰丸 治一切痰飲胸膈痞塞脾虛不運欬嗽吐痰咽喉不利

橘紅 一兩

枳壳 炒 八兩

黃芩 酒炒 八兩

半夏曲 炒 四兩

生甘草 四兩

白芥子 四兩 炒

神曲 四兩 炒

川貝母 四兩

川貝母 四兩

花粉 五兩

竹瀝 一碗

白茯苓 四兩

共為末水丸桐子大每服百九食遠服

治虛風四肢不舉脾胃虛弱之症

人參一錢 白朮一錢 土炒 白茯苓一錢 陳皮一錢 製半夏一錢 炙甘草五分

玉竹二錢 竹瀝一酒杯 臨服和入藥內

生薑一片 水煎溫服

白朮 土炒 白茯苓 陳皮 製半夏 炙甘草 玉竹 竹瀝 生薑

傷寒門 附中寒症

傷寒之症與別病不同若治之不得其法則輕變為重重變為死故人之死于病者恒少而人之死於醫者恒多也世人平日多有不知醫理者一遇病至即延請醫家療治而今之醫家又多素無醫學之人胸無成見有病在衛而治營病在營而治衛病在營衛而治其一遺其一與夫病已去營衛而復汗病未去營衛而誤下以致病人每亡死於醫者之手而不覺醫家亦不自知醫死病人之故而猶曰命當如此殊不知染病之人未服醫家之藥而死者命也既服醫家之藥而死者皆錯治之過也今細讀喻嘉言傷寒三論辨論傷寒病症治法甚晰大有功于仲景傷寒一書若果細心學習依法而治庶可少免天札之患但方論三冊恐病家一時未能

遍查特將治法大畧摘其緊要名目刊刻數篇以備臨時參考而已

一日太陽經受病頭項痛腰脊強其脉浮二日陽明經受病身熱目痛鼻乾不得眠其脉長皆為在表宜汗三日少陽經受病胸脇痛耳聾往來寒熱其脉弦為半表半裏宜和解四日太陰經受病腹滿噎乾其脉沉細五日少陰經受病口燥舌乾而渴其脉微緩六日厥陰經受病少腹滿囊縮而厥其脉沉澁皆為在裏宜下此其大凡也六日後邪氣衰當不治而愈亦有不罷再傳者或有間經而傳者或有傳至二三經而止者有始終只在一經者或有越經而傳者或有初入太陽不作鬱熱便入少陰而成真證者或有直中陰經而作寒証者其間千變萬化疑似難明非神工國手未易窮其變而析其微俗醫浪試鮮不誤人是以有不用藥為中醫之說

惟一二日初覺頭痛發熱邪正在表急上發散亦可奏功

一傷寒頭疼又身熱便是陽証不可服熱藥蓋太陰病頭不疼身不熱少陰病有發熱而無頭疼厥陰病有頭疼而無發熱故知頭疼又身熱即是陽証若投熱藥決致死亡

一傷寒必須先攻毒氣不可補益蓋邪氣在經絡隨證攻之自愈若妄補正氣使毒氣騰熾每致殺人

一傷寒不思飲食不可溫補脾胃蓋傷寒邪氣在胃故不餓不食亦不死理中健脾等藥不可輕服丁香砂仁之類尤不可服

一傷寒腹疼亦有熱證不可輕服溫藥凡身冷厥逆而腹疼者方是陰証若見腹疼便投熱藥每致殺人

一傷寒自利當辨陰陽不可例服補藥熱藥及止瀉藥蓋自利惟身不熱手足溫者屬太陽身冷四逆者屬少陰厥陰其餘身熱下痢皆屬陽証依景仲法治之切勿輕投熱藥

一傷寒胸脇疼及腹脹滿不可妄用艾灸惟寒厥陰証宜灸每見村落間無藥之處傷寒每用艾灼致毒氣隨火而盛發喘而死者有之不可不戒也

一傷寒手足厥冷當辨陰陽不可例作陰症蓋傷寒有陽厥有陰厥醫者多不辨往往誤藥殺人凡初病發熱至三四日後熱氣已深大便秘小便赤或譫語昏憤而厥者陽厥也所謂熱深厥亦深急用大承氣湯下之若初病不熱大便秘小便數引衣自蓋無熱証而厥者即是陰厥方可用四逆湯之類二厥脈皆沉然陽厥脈沉而滑陰厥脈沉而弱陽厥指爪時

溫陰厥則常冷此為別也

一傷寒病已在裏即不用發汗藥蓋傷寒証須分表裏如發熱惡寒是表証宜發汗如不惡寒反惡熱即是裏証不宜發汗又有半表半裏之証及無表裏之證皆不可下不可汗宜隨証治之

一傷寒飲水為欲愈不可令其恣飲過度凡病人大渴欲飲水當與之以消熱氣故仲景以飲水為欲愈但因而恣飲恐將來為嘔為喘為咳逆為下利為腫為悸為水結胸為小便不利者多矣宜常令不足為善

一傷寒病初愈不可過飽及勞動或食羊肉行房諸厚味飲酒亦不必再服藥蓋脾胃終復不可過食不能消化病即再作若食羊肉飲醇酒及行房者犯之必死

一傷寒用藥必須以証參脈方保無悞恐知脈者鮮宜辨視舌色分其表裏初病邪在表舌色自紅而無白黃等胎邪入於裏則黃胎見為胃毒也宜調胃承氣湯下之胎去而安若悞用湯丸及失下其胎必黑變為壞証此為難治若胎色純黑如漆者十死一生心火亢極也宜速下之

一傷寒陰陽二証治法天淵然有陽証似陰者四肢厥冷昏迷不醒似是陰証然身雖寒反不欲口渴指^元甲紅色大便閉小便赤其脈沉滑此為陽証似陰當承氣湯下之不可作陰證治有陰證似陽者煩燥面赤身熱似是陽證然身雖熱反欲得衣口不渴指甲黑色大小便利手足逆冷脈微此為陰証似陽當溫之不可作陽証治

一傷寒腹疼不辨寒熱將凉水一碗與之飲其痛稍可者屬熱當用涼藥

清之清之不已遠臍硬痛大便結實者急用寒藥下之其或飲水痛甚則
屬寒當用溫藥和之和之不已四肢厥冷嘔吐瀉痢急用熱藥溫之
一傷寒六七日後若尚有表証頭痛發熱宜汗者以羌活沖和湯微汗之
若有裏証便秘惡熱者以大柴胡湯微下之二方平和中病當愈即不中
病亦可無害若麻黃承氣等湯非知脈明理者必不可用

太陽經見症法

頭項痛腰脊強發熱惡寒惡心是足太陽膀胱經受証假如先起惡寒者
本病已後發熱者標病若有一毫頭痛惡寒身熱不拘日數多少便宜發
散自然熱退身涼有何變証

辨証法

表虛自汗者為風傷衛氣 寔表

表實無汗者為寒傷榮血宜發表

診脈

脈浮緊有力為傷寒

脈浮緩無力為傷風

用藥法

冬月正傷寒用升陽發表湯即加減麻黃湯

冬月傷風用疎邪寔表湯即加減桂枝湯

春秋無汗用羌活沖和湯發表有汗用加減沖和湯寔表

夏月無汗用神朮湯有汗用前加減沖和湯

陽明經見証法

目痛鼻乾不眠微惡寒是足陽明胃經受証假如先起目痛惡寒身熱者陽明經本病已後潮熱自汗譫語發渴大便寔者正陽胃府標病本宜解肌標宜急下看消息用之

辨証法

目痛鼻乾微惡寒身熱病在經

潮熱自汗譫語便寔不惡寒病在府

診脉法

脉見微洪為經病

脉見沉數為府病

用藥法

微惡寒自然目眶痛鼻乾不眠者用柴葛解肌湯即加減葛根解肌湯渴而有汗不解者如神白虎湯即加減白虎湯

潮熱自汗譫語發渴揭去衣被揚手擲足斑黃狂亂不惡寒反怕熱大便
寔者輕則大柴胡湯重則三承氣選用俱在秘方六乙順氣湯內

加減
治之

少陽經見症法

耳聾脇痛寒熱嘔而口苦是足少陽膽經受証假如先起惡寒身熱耳聾
脇痛者本病已後嘔而舌乾口苦者標病緣膽無出入病在半表半裏
之間正宜小柴胡湯加減和解表裏治之再無別湯此經有三禁不可汗
下吐也若治之得法有何壞症常須識此宜當審焉

辨証法

耳聾脇痛寒熱嘔而口苦舌乾便屬半表半裏証不從標本從乎中治

診脈法

脉見弦數本經證

用藥法

耳聾脇痛寒熱嘔而口苦舌乾者用柴胡蘄解飲即加減小柴胡湯

太陰經見証法

腹滿自利津不到咽手足溫者是足太陰脾經受証假如先起腹痛咽乾者本病已後身目黃標病內有寒熱所分不可混治

辨証法

腹痛咽乾發黃者屬府熱

自利不渴或嘔吐者屬臟寒

診脉法

脉見沉而有力宜當下

脉見沉而無力宜當溫

用藥法

腹滿咽乾手足溫腹痛者桂枝大黃湯身目黃者茵陳大黃湯自利不渴或嘔吐者加味理中飲重則回陽急救湯

少陰經見証法

舌乾口燥是足少陰腎經受証假如先起舌乾口燥者本病已後譫語大便定標病至陰經則難拘定法或可溫而或可下陰分直中者寒証傳經者熱証

辨証法

大要口燥舌乾渴而譫語大便定或連臍硬痛或下利純清水心下硬痛者俱是邪熱燥屎使然宜用白虎湯六一順氣湯治之無熱惡寒厥冷倦卧不渴或腹痛嘔吐瀉利沉重或陰毒手指甲唇青嘔逆絞痛身如被杖

面如刀刮戰慄者俱是寒邪中表使然急用四逆湯真武湯溫之

厥陰經見証法

煩滿囊拳者是足厥陰肝經受証假如先起消渴煩滿者本病已後舌卷囊縮者標病亦有寒熱兩端不可概作熱治

辨証法

煩滿囊卷消渴者屬熱
口吐涎沫不渴厥冷者屬寒

似瘧不嘔清便秘自愈

診脈法

脈沉定者宜當下

脈沉遲者宜當溫

脈浮緩者病自愈

用藥法

消渴煩滿舌卷囊縮大便寔手足乍冷乍溫者急用六一順氣湯下之口
吐涎沫或四肢厥冷不溫通乎肘膝不渴小腹絞痛嘔逆者急用加味理
中湯溫之

傷寒結胸痞滿辨

傷寒結胸者今人不分曾下與未下便呼為結胸便與枳桔湯反成真結
胸者有之殊不知乃因下早而成未經下者非結胸也乃表邪傳至胸中
未入于府証雖滿悶尚為在表正屬少陽部分只消小柴胡加枳桔以治
其悶如未効則以本方對小陷胸湯一服豁然若因下早而成者方可用
陷胸湯分淺深從緩而治之不宜太峻此乃清道至高之分若過下之則
傷元氣也太陽証無汗此寒傷榮血治當發表而誤下之榮血重傷而成
痞滿太陽証有汗此風傷衛氣治當寔表而誤下之衛氣重傷而成結胸

脈浮大者未可下猶帶表証若結胸証煩燥悉具者必死矣

傷寒伏陰脈大論用藥之悞

夫病身不熱頭不疼初起怕寒四肢厥冷腹痛嘔吐泄瀉倦卧沉默不渴脈來沉遲無力人皆共知為陰証必矣至於發熱面赤煩燥揭去衣被脈大人皆不識認作陽証誤投寒藥死者多矣不知陰証不分熱與不熱須憑脈下藥至為切當不問脈之浮沉大小但指下無力重按全無便是伏陰不可與涼藥急與五積散一服通解表裏之寒隨手而愈若內有沉寒必須姜附以溫之切忌勿泄脈雖洪大按之無力重按之全無者陰脈也若將伏陰之証而悞作熱証用涼藥治之則渴愈盛而燥愈急豈得生乎此取脈不取証也

傷寒伏脉辨

夫頭疼發熱惡寒或一手無脉兩手全無庸俗以為陽証得陰脉便呼為不治殊不知此因寒邪不得發越便為陰伏故脉伏必有邪汗也當攻之太陽膀胱寒傷于營發熱惡寒項脊強重腰痛頭疼如斧劈身似火燒脉浮緊無汗宜麻黃湯有汗者不可服

麻黃 杏仁 桂枝 生甘草 加川芎 白芷 羌活 防風

名升陽發表湯葱白三個姜三片淡豆豉一撮水煎熟服出汗汗出即止不可多服

諸葛行軍散 治冬月正傷寒發汗之藥也取効如神

綠豆粉一兩

麻黃一兩 去節

乾薑一兩

陳皮一兩

共為細末涼水服三錢發汗即愈不可覆被太厚致令汗出太多
太陽風傷于衛頭疼發熱惡寒鼻塞項脊強重脉浮緩自汗宜桂枝湯無
汗者不可服

大棗 桂枝 白芍炒 炙甘草 生姜 加防風 川芎 名疎邪實表湯

水煎溫服之後食熱稀粥助微汗即止 汗不止加蜜炒黃耆 喘

加柴胡杏仁 胸中飽悶加炒枳殼桔梗

太陽經春夏秋三時感冒暴寒無汗發熱頭疼惡寒脊強脉浮緊是表症
宜用羌活沖和湯以發散之不與冬時正傷寒同治此湯非獨治三
時暴寒春可治溫夏可治熱秋可治濕名羌活沖和湯

羌活錢一 防風錢一 蒼朮炒錢半 黃芩錢一 白芷錢一 甘草錢一 生地錢一

細辛

五分不
可多 川芎 一錢
五分

如胸中飽悶加枳殼桔梗去生地

夏月加煨石膏知母

不作汗加蘼葉

喘而惡寒身熱加杏仁生

地汗後不解宜再服汗下兼行加大黃

春夏秋感冒非時傷風亦有頭疼惡寒身熱脉浮緩自汗宜實表本

方去蒼朮加白朮汗不止加炒黃耆即加減冲湯汗再不止以小柴

胡加桂枝炒白芍各一錢如神 水二鐘姜二片葱白五個棗二枚煎服

陽明胃經身熱鼻乾目痛不得眠用柴葛解肌湯

柴胡 黃芩 葛根

白芍炒 羌活 石羔煨

白芷 桔梗 生草

姜枣煎服 本經無汗惡寒去黃芩加麻黃

陽明身熱渴而有汗不解或經汗過渴不解者脉來微洪宜如神白虎湯

石膏^煨 知母 甘草 糯米 人參 麥冬 五味子 山梔 花粉

生姜一片棗二枚淡竹葉十片煎服無渴者不可服

陽明實熱傳裏心下堅硬大便燥結發熱譫語自汗出不惡寒揚手擲足
脉沉實者大承氣湯

生大黃 芒硝 厚朴^炒 枳實 水煎溫服

少陽胆經胸脇痛耳聾口苦舌乾徃來寒熱而嘔屬半表半裏宜和解不
可汗下利小便宜柴胡瀉解散

柴胡 黃芩 製半夏 人參 甘草 白茯苓 白芍藥^炒

姜枣煎服 嘔加陳皮竹茹姜汁 痰加瓜蒌仁貝母口乾加知母

石膏 心中飽悶加桔梗枳壳 心下痞滿加枳實黃連 內熱甚

錯語心煩不得眠合黃連解毒湯 小便不利大便瀉合四苓散
火熱而痢炒黃連炒白芍

太陰脾經腹滿而痛咽乾而渴手足溫脉沉而有力此因邪熱從陽經傳
入陰經也宜桂枝大黃湯

桂枝 大黃 白芍炒 甘草 枳實炒 柴胡 生姜煎服

太陰腹滿身口發黃小便不利大便實發渴或頭汗至頸而還脉來沉重宜

茵陳將軍湯

茵陳 大黃 梔子 黃芩 枳實各一錢 甘草稍三分 滑石末二錢

厚朴一錢 水煎熱服以利為度

真寒直中陰經症不從陽經傳來一傷寒初起無頭痛無身熱便就怕寒

四肢厥冷或過於肘膝或腹痛吐瀉或口吐白沫或戰慄面如刀刮引衣踈卧不渴脉沉遲無力宜回陽救急湯

大附子煨 乾姜 人參 肉桂 製半夏 五味子 白茯苓 炙甘草

白朮炒 陳皮 姜棗煎服

陰極發燥症微渴面赤欲坐卧於泥水井中脉沉遲無力或脉全無欲絕者不可服涼藥若誤認為熱症而用涼藥死不可復生矣服熱藥而燥不止者再服燥自定宜回陽返本湯

大附子麩包煨
去皮臍 乾姜 炙甘草 人參 麥冬志 蠟茶 五味子 陳皮

姜棗煎服 無脉加豬膽汁一茶匙 嘔加姜汁炒半夏

厥陰肝經初起無熱無頭痛止有腹痛怕寒手足厥冷或下利嘔吐煩滿

囊縮宜加味理中湯

人參 白朮炒 乾姜 炙甘草 肉桂 陳皮

生姜煎服臨飲加入木香汁姜汁各一匙

厥陰怕熱發渴譫語大便燥實胸腹滿硬手足乍冷乍溫宜六一順氣湯

大黃 枳實炒 黃芩 厚朴炒 甘草 柴胡 芒硝 白芍

水煎臨服入鐵秀水三匙

少陰腎經引衣倦卧惡寒或腹痛吐瀉戰慄不已宜四逆湯

附子 乾姜 炙甘草 水煎溫服

少陰腹痛下利有水氣者宜真武湯

白茯苓 白芍炒 生姜 白朮炒 附子 水煎熱服

少陰自汗潮熱渴而譫語宜白虎湯

石膏^煨 知母 麥冬 甘草 竹葉 燈心 粳米 水煎溫服

少陰大便實口燥咽乾怕熱譫語或下利清水遶臍疼痛宜六一順氣湯方見厥陰

兩感傷寒症一日傳兩經過六日不治

羌活 防風 生地 川芎 細辛 黃芩 柴胡 白芷 乾葛

石膏^煨 甘草 姜枣煎服加薄荷十片冬月去黃芩石膏加麻黃

腹痛身不熱煩躁譫語口渴以陰先受病者宜六一順氣湯方見厥陰

如裏先下利身體痛者又當以回陽救急湯治之方見太陰

蓄血症熱蓄膀胱其人如狂小便自利大便黑小便滿痛身目黃譫語燥

渴名蓄血症脉沉有力下盡黑物則愈宜桃仁承氣湯如未服前而血

自下者為欲愈不必服

桃仁 桂枝 大黃 芒硝 柴胡 甘草 青皮炒 枳實炒 當歸

白芍炒 姜枣煎服臨服入蘓木二錢煎二沸服

陽明熱邪傳裏實表虛血熱不散熱氣乘虛出於皮膚而為斑也輕如

疹子重如錦紋甚則皮膚斑爛或本屬陽誤投熱藥或當汗不汗當下

不下或下後未解者皆能致此不可發汗重令開洩更加斑爛也宜消斑青黛飲

柴胡 元參 黃連 知母 石膏煨 生地 犀角 青黛 人參

甘草 山梔仁 姜枣煎服大便實去人參加大黃二錢

凡汗下不解耳聾足冷煩悶欬嘔便是發斑之候

傷寒漸變神昏不語或睡中獨語一二句目赤神焦將水與則嚙不與則

不思形如醉人此邪傳入心經因心火上逼肺經所以神昏名曰越經
症宜瀉心導赤飲

黃連

黃芩

甘草

犀角

麥冬

滑石

梔子

茯苓

知母

人參

姜枣

燈心煎服

臨服入生地黃汁二匙

傷寒初得病無熱狂言煩燥不安精采不與人同不可認為發狂而用下
藥死者多矣不知此因邪熱結于膀胱名曰如狂症宜桂苓飲子

猪苓

澤瀉

桂枝

甘草

黃柏

知母

白朮炒

山梔仁

滑石

生姜

燈心煎服

傷寒熱症又手摸心循衣摸牀譫語昏沉不省人事醫者不識見病便為
風症而用風藥誤人多矣殊不知肝熱乘於肺金元氣虛不能主持名

曰撮空症小便利者可治宜升陽散火湯

人參 當歸 黃芩 柴胡 麥冬 白芍炒 白朮炒 陳皮 茯苓

甘草 姜朮煎服 有痰加製半夏 大便燥實譫語發渴加大黃

泄瀉加升麻

傷寒日數過多其熱不退夢寐不寧心驚恍惚煩躁多痰宜竹茹溫胆湯

柴胡二錢 竹茹二錢 桔梗一錢 枳實一錢 黃連一錢 人參五分 麥冬五分 陳皮一錢

半夏一錢 白茯苓一錢 香附八分 甘草三分 姜朮煎服

傷寒曾經汗下後而熱不退頭疼不清脉數實身尚煩躁渴不止是陰陽

交此症甚危因其人平素有積熱而或因心事動火也宜加減解毒湯

黃連一錢 梔子一錢 黃芩一錢 柴胡一錢 知母二錢 乾葛一錢 羌活二錢 防風一錢

連翹一錢 人參一錢五分 當歸一錢 生地一錢 甘草一錢 水煎服

傷寒或汗或下或吐後心胸滿悶或頭疼微汗虛煩不得眠反覆顛倒心

中懊憹乃燥熱拂鬱于內而氣不宣通故也宜梔豉湯

肥梔子 江西淡豆豉 水煎溫服 嘔噦加生姜陳皮 有宿食

而煩躁者加大黃下後腹滿而煩加枳實厚朴 下後身熱而煩加

甘草乾姜瘥後勞復加枳實

傷寒發汗後經中餘熱未解宜

柴胡 前胡 枳殼 桔梗 連翹 黃芩 赤芍 乾葛

白茯苓 半夏 川芎 薄荷 甘草 生姜煎服

煩躁加麥冬淡竹葉

傷寒無頭疼無惡寒身微熱面赤微渴目無精光口出無倫語脉數無力

此汗下太過下元虛弱無根虛火泛上名曰戴陽症宜復元湯

熟附子 甘草 乾姜 人參 五味子 麥冬 黃連 知母

白芍炒 姜朮 葱煎 臨服入童便三匙溫服

傷寒汗下後頭眩振々欲倒地及肉瞤筋惕或大汗後衛虛亡陽汗出不

止或下後利不止脉來無力宜溫經益元湯

附子製人參

白朮炒 炙甘草

白芍炒 當歸酒洗

黃芪蜜炒 生地

乾姜 肉桂 姜朮 糯米煎服

傷寒頭疼發熱項脊強惡寒無汗用發汗藥二三劑汗不出者此陽虛不

能作汗名曰無陽症宜再造散

黃芪炒 人參 桂枝 炙甘草 熟附子 細辛 羌活 防風

川芎 生姜煨 白芍炒

棗二枚煎服夏月加黃芩煨石膏

頭疼身熱惡寒微渴濺然汗出身疼脚腿酸痛無力沉倦脉空浮無力醫者不識因見頭疼惡寒發熱便呼為正傷寒而大發其汗所以輕變重而誤人者多矣殊不知勞力內傷氣血外感寒邪宜甘溫之劑則愈名曰勞力傷寒症宜調榮養胃湯

黃芪炒 人參 白朮炒 陳皮 當歸 柴胡 川芎 炙甘草

羌活 防風 姜棗煎服

傷寒已經汗下表裏俱虛津液枯竭心煩發熱氣逆欲吐宜竹葉石膏湯

煨石膏 二錢

製半夏 一錢五分

麥冬 一錢五分

人參 一錢

甘草 一錢

竹葉十片 生姜三片 粳米百粒 煎服

傷寒瘥後昏沉發熱渴而譫語失神及百合勞復食復等症宜 柴胡百合湯

柴胡 人參 百合 知母 白茯苓 白芍炒 鱉甲 甘草

姜枣煎服

傷寒頭疼發熱身痛惡寒口乾不思飲食時醫誤投發表攻擊之藥過多

發得表虛上氣喘急口乾不食肢體昏沉冷汗大出以致亡陽等症宜

補中益氣湯 依本方加蜜炒白芍酒炒桂枝炒杏仁熟附子浮小麥

倍加黃芪

傷寒頭痛發熱口乾屢服發表解肌之藥而日晡發熱猶甚或日輕夜重

此陰虛火動也宜六味地黃湯加酒炒黃柏知母

傷寒陽明自汗小便利而大便燥結不可攻者宜胆導法

用猪苦胆一枚少入香油將細竹管一頭挿入胆內緊縛住一頭
口吹氣脹滿捏住挿入糞門自通

傷寒新瘥方起勞動應事或多言勞神而復發熱者名曰勞復宜益氣養

神湯

人參一錢 白茯神七分 當歸一錢 白芍一錢 麥冬一錢 知母一錢 梔子仁一錢

前胡七分 陳皮五分 升麻三分 寒一枚煎服

傷寒有患憎寒壯熱頭痛昏沉迷悶上氣喘急口出涎沫此因內傷七情
以致痰迷心竅神不守舍空々則痰生名曰挾痰証

茯苓 半夏 南星 枳實炒 黃芩 白朮 陳皮 甘草

桔梗 黃連 瓜蒌仁 人參

年力壯盛先用吐痰法次服此方

水二鍾姜三片棗二枚煎之臨服入竹瀝姜汁

傷寒熱極鼻衄成流久不止者或熱毒入深吐血不止者宜生地芩連湯

黃芩 山梔 桔梗 甘草 生地 黃連 柴胡 川芎

芍藥 犀角 外用剗法水紙搭於鼻冲

如去血過多錯語失神撮空閉目不知人事者同治法水二鍾棗二

枚煎至八分臨服入茅根搗汁磨京墨調飲如無茅根藕汁亦可

傷寒下之早表邪入裏心下滿而鞭痛或重汗而復下之不大便五六日

舌上燥渴日晡潮熱從心至小腹鞭滿痛不可近或無大熱但頭微汗
出脉沉為水結胸宜大陷胸湯

大黃 芒硝 甘遂

水煎溫服

傷寒誤下小結胸正在心下按之則痛脉浮滑者及痰熱塞胸宜小陷胸
湯

黃連 半夏 製 瓜蒌實 去子

水煎溫服

附中寒 治陰症肚疼欲死之症立刻見效亦治陰症傷寒

枳殼 火硝 胡椒 黃丹 各一錢 丁香 五分

共為細末用老醋調成團子握在手心男左女右以帛絹扎之出汗而愈

治中寒卒倒昏迷不醒先用熱酒姜汁各半盞灌下後用理中湯

人參

白朮土炒

乾姜炒

炙甘草

水煎服

又治五臟中寒口噤四肢強直兼胃脘停痰冷氣刺疼

又治下寒泄痢腹脹大便清穀大吐大瀉之後元氣不接昏迷等症寒

冷之極者加大附子二錢麩包煨去皮臍名附子理中湯

治中寒脉虛而微細雖燥熱煩渴用理中湯浸冷服之若用寒藥涼藥必死

治中寒身涼怕寒四肢厥冷腹疼吐瀉無脈者此寒中陰經也用回陽

救急湯

方見傷寒太陰

治陰症手足紫黑方

黑料豆三合炒熱好酒烹滾熱服加蔥鬚同烹更妙此方甚效

治中寒項筋痛連背解不可轉移俗呼為串氣痛此係腎經中寒所致

用行氣藥不效也

用大附子一枚火炮去皮臍為末每服二錢用川椒三十粒以白麵填滿水一盞生姜七片同煎至七分去椒入鹽少許空心服